

四庫

全書



第二八二册

四庫全書

●上海古籍出版社

本冊目次

宋

附考

史(三)

證

元托克托等奉敕撰

清

林蒲封
齊召南等撰
楊開鼎
.....
一

欽定四庫全書

宋史卷九十七

元中書右丞相總裁托克托等修

河渠志第五十

河渠志第五十

淮郡諸水給與初以金兵蹂踐淮南猶未退師四年詔

燒毀揚州灣頭港口船泰州灣頭通州白甫堰其餘諸

堰並令守臣開決焚毀務要通敵船又詔宣撫司毀

欽定四庫全書

宋史卷九十七

折真陽堰牘及真州陳公塘無令走入運河以資敵用

五年正月詔淮南宣撫司募民開濬瓜州至淮口運河

淺澀之處乾道二年以和州守臣言開鑿燒下河東接

大江防捍敵人檢制盜賊六年淮東提舉徐子宣言淮

東鹽課全仰河流通快近運河淺澀自揚州灣頭港口

至鎮西山光寺前橋梁頭計四百八十五丈乞發五千

餘卒開濬從之七年二月詔令淮南漕臣自洪澤至龜

山淺澀之處如法開濬淳熙三年四月詔築泰州月堰

欽定四庫全書

宋史卷九十七至一百一

詳校官編修臣邱庭澹

洗馬臣王坦修覆勘

覆校官編修臣沈清藻

校對官監丞臣侍朝

膳錄舉人臣張光熙

以遏潮水從守臣張子正請也八年提舉淮南東路常平茶鹽趙伯昌言通州楚州沿海舊有捍海堰東距大海北接鹽城表一百四十二里始自唐黠陟使李承實所建遮護民田屏蔽鹽竈其功甚大歷時既久賴圯不存至本朝天聖改元范仲淹為泰州西溪鹽官日風潮泛溢渰沒田產毀壞亭竈有請於朝調四萬餘夫修築三旬畢工遂使海瀕沮洳鴻鹵之地化為良田民得莫居至今賴之自後寢失修治纔遇風潮怒盛即有衝決

欽定四庫全書

宋史
卷九十七

二

廢壞歲久見有古來基趾可以修築為旱乾溉田之備凡諸場鹽網糧食漕運使命往還舟艦皆仰之以通濟其利甚博本司自發卒貼築周迴塘岸建置斗門石礎各一所乞於揚子縣尉階銜內帶兼主管陳公塘六字或有損壞隨時補築庶幾久遠責有所歸十二年和州守臣請於千秋澗置斗門以防麻澧湖水洩入大江遇歲旱灌溉田疇實為民利十四年揚州守臣熊飛言揚州運河惟藉瓜州真州兩牐淤積今河水走泄緣瓜州上中二牐久不修治獨潮牐一座轉運提鹽及本州共行修整然迫近江潮水勢衝激易致損壞真州二牐亦復損漏令有司葺理上下二牐以防走泄從之紹熙五年淮東提舉陳損之言高郵楚州之間陂湖渺漫茭葑彌滿宜創立堤堰以為瀦泄庶幾水不至於泛溢旱不至於乾涸乞興築自揚州江都縣至楚州淮陰縣三百六十里又自高郵興化至鹽城縣二百四十里其隄岸傍開一新河以通舟船仍存舊堤以捍風浪栽柳十餘

欽定四庫全書

宋史
卷九十七

三

萬株數年後堤岸亦窄其木亦可備修補之用兼揚州城鎮舊有隄牘乃泰州泄水之處其牘壞久亦於此牘立斗門西引盱眙天長以來衆湖之水起自揚州江都經由高郵及楚州寶應山陽北至淮陰西達于淮又自高郵入興化東至鹽城而極於海又泰州海陵南至揚州泰興而徹於江共為石埭十三斗門七乞以紹熙堰為名鑿諸堅石淮田多沮洳因損之築堤捍之得良田數百萬頃奏聞除直秘閣淮東轉運判官

欽定四庫全書

宋史
卷九十七

四

浙江通大海日受兩潮梁開平中錢武肅王始築捍海塘在候潮門外潮水晝夜衝激版築不就因命彊弩數百以射潮頭又致禱胥山祠既而潮避錢塘東擊西陵遂造竹器積巨石植以大木堤岸既固民居乃奠逮宋大中祥符五年杭州言浙江擊西北岸益壞稍逼州城居民危之即遣使者同知杭州戚綸轉運使陳堯佐畫防捍之策綸等因率兵力籍梢楫以護其衝七年綸等既罷去發運使李溥內供奉官盧守勲經度以為非便

請復用錢氏舊法實石於竹籠倚疊為岸固以椿木環亘可七里斬材役工凡數百萬踰年乃成而鈎末壁立以捍潮勢雖湍湧數丈不能為害至景祐中以浙江石塘積久不治人患墊溺工部郎中張夏出使因置捍江兵士五指揮專採石修塘隨損隨治衆賴以安邦人為之立祠朝廷嘉其功封寧江侯及高宗紹興末以錢塘石岸毀裂潮水漂漲民不安居令轉運司同臨安府修築孝宗乾道九年錢塘廟子灣一帶石岸復毀於怒潮

欽定四庫全書

宋史
卷九十七

五

詔令臨安府築填江岸增砌石塘淳熙改元復令有司自今江岸衝損以乾道修治為法理宗寶祐二年十二月監察御史兼崇政殿說書陳大方言江潮侵齧堤岸乞戒飭殿步兩司帥臣同本府守臣措置修築留心任責或有潰決咎有攸歸三年十一月監察御史兼崇政殿說書李衡言國家駐驛錢塘今踰十紀惟是浙江東接海門胥濤澎湃稍越故道則衝齧堤岸蕩析民居前後不知其幾慶歷中造捍江五指揮兵士每指揮以四

百人為額今所管纔三百人乞下臨安府拘收不許占破及從本府收買橋石沿江置場橋管不得移易他用仍選武臣一人習於修江者隨其資格或以副將或以路分鈐轄繫銜專一鈐束修江軍兵值有摧損隨即脩補或不勝任以致江湖銜損堤岸即與責罰

臨安西湖周回三十里源出於武林泉錢氏有國始置撩湖兵士千人專一開濬至宋以來稍廢不治水涸草生漸成葑田元祐中知杭州蘓軾奏謂杭之為州本江

欽定四庫全書

宋史
卷九十七

六

海故地水泉鹹苦居民零落自唐李泌始引湖水作六井然後民足於水井邑日富百萬生聚待此而食今湖狹水淺六井盡壞若二十年後盡為葑田則舉城之人復飲鹹水其勢必耗散又放水溉田瀕湖千頃可無凶歲今雖不及千頃而下湖數十里間莢莢穀米所獲不貲又西湖深闊則運河可以取足於湖水若湖水不足則必取足於江湖潮之所過泥沙渾濁一石五斗不出三載輒調兵夫十餘萬開濬又天下酒官之盛如杭歲

課二十餘萬緡而水泉之用仰給於湖若湖漸淺狹少不應溝則當勞人遠取山泉歲不下二十萬工因請降度牒減價出賣募民開治禁自今不得請射侵占種植及鬻葑為界以新舊菱蕩課利錢送錢塘縣收掌謂之開湖司公使庫以備逐年顧人開葑撩淺縣尉以管句開湖司公事繫銜軾既開湖因積葑草為堤相去數里橫跨南北兩山夾道植柳林希勝曰蘓公堤行人便之因為軾立祠堤上紹興九年以張澄奏請命臨安府招置廂軍兵士二百人委錢塘縣尉兼領其事專一濬湖若包占種田沃以糞土重寘於法十九年守臣楊鵬舉奏請重開乾道五年守臣周淙言西湖水面唯務深濶不容填溢并引入城內諸井一城汲用尤在涓潔舊招軍士止有三十餘人今宜增置撩湖軍兵以百人為額專一開撩或有種植莢莢因而包占增壘堤岸坐以違制二十九年臨安守臣言西湖冒佃侵多葑莢蔓延西南一帶已成平陸而瀕湖之民每以葑草圍裹種植荷

欽定四庫全書

宋史
卷九十七

七

花駸駸不已恐數十年後西湖遂淤將如越之鑑湖不可復矣乞一切芟除務令淨盡禁約居民不得再有圍裹從之

臨安運河在城中者日納潮水沙泥渾濁一汛一淤比屋之民委棄草壤因循填塞元祐中守臣蘇軾奏謂熙寧中通判杭州時父老皆云昔運河淤塞率三五年常一開濬不獨勞役兵民而運河自州前至北郭穿闌閘中蓋十四五里每將興工市肆洶動公私騷然自胥吏

欽定四庫全書

宋文
卷九十七

八

壕砦兵級等皆能恐喝人戶或云當於某處置土某處過泥水則居者皆有失業之憂既得重賂又轉而之他及工役既畢則房廊邸舍作踐狼籍園圃隙地例成丘阜積雨蕩濯復入河中居民患厭未易悉數若三五年失開則公私壅滯以尺寸水行數百斛舟人牛力盡跬步千里雖監司使命有數日不能出郭者詢其所以頻開屢塞之由皆云龍山浙江兩間泥沙渾濁積日稍久便及四五尺其勢當然不足怪也尋剡剗捍江兵士及

諸色廂軍得一千人七月之間開濬茅山鹽橋二河各十餘里皆有水八尺自是公私舟船通利三十年以來開河未有若此深快者然潮水日至淤塞猶昔則三五年間前功復棄今於鈐轄司前置一牐每遇潮上則暫閉此牐候潮平水清復開則河過闌閘中者永無潮水淤塞開洶騷擾之患詔從其請民甚便之紹興三年十一月宰臣奏開修運河淺澀帝曰可發旁郡廂軍壯城捍江之兵至於廩給之費則不當吝宰臣朱勝非等曰

欽定四庫全書

宋文
卷九十七

九

開河非今急務而餽餉艱難為害甚大時方盛寒役者良苦臨流居人侵塞河道者悉當遷避至於每牐所經沙泥所積當預空其處則居人及富家以僦屋取貲者皆非便恐議者以為言帝曰禹卑宮室而盡力於溝洫浮言何恤焉八年又命守臣張澄發廂軍壯城兵千人開濬運河埋塞以通往來舟楫隆興二年守臣吳芾言城裏運河先已措置北梅家橋仁和倉斜橋三所作壩取西湖六處水口通流灌入府河積水至望仙橋以南

至都亭驛一帶河道地勢自昔高峻今欲先於望仙橋城外保安牯兩頭作壩却於竹車門河南開掘水道車庫運水引入保安門通流入城遂自望仙橋以南開至都亭驛橋可以通徹積水以備緩急計用工四萬從之乾道三年六月知荊南府王炎言臨安居民繁夥河港堙塞雖屢開導緣裁減工費不能迄功臣嘗措置開河錢十萬緡乞候農暇特詔有司用此專充開河支費庶幾河渠復通公私為利上俞其請四年守臣周淙出公

欽定四庫全書

宋史
卷九十七

十

塞流水不通今欲分委兩通判監督地分廂巡逐時點檢勿令侵占并拋颺糞土秩滿若不淤塞各減一年磨勘違展一年以示勸懲十四年七月不雨臣僚言竊見奉口至北新橋三十六里斷港絕潢莫此為甚今宜開濬使通客船以平穀直從之

鹽官海水嘉定十二年臣僚言鹽官去海三十餘里舊無海患縣以鹽竈頗盛課利易登去歲海水泛漲湍激橫衝沙岸每一潰裂嘗數十丈日復一日浸入內地蘆州港潰蕩為一壑今聞潮勢深入逼近居民萬一春水驟漲怒濤再湧海風伏之則呼吸蕩出百里之民寧不俱葬魚腹乎況京畿赤縣密邇都城內有二十五里塘直通長安牯上徹臨平下接崇德漕運往來客船絡繹兩岸田畝無非決壞若海水徑入於塘不惟民田有鹹水淹沒之患而裏河堤岸亦將有潰裂之憂乞下浙西諸司條具築捺之策務使捍堤堅壯土脉充實不為怒潮所衝從之十五年都省言鹽官縣海塘衝決命浙西

欽定四庫全書

宋史
卷九十七

十

提舉劉屋專任其事既而屋言縣東接海鹽西距仁
北抵崇德德清境連平江嘉興湖州南瀕大海元與縣
治相去四十餘里數年以來水失故道早晚兩潮奔衝
向北遂致縣南四十餘里盡淪為海近縣之南元有捍
海古塘亘二十里今東西兩段並已淪毀侵入縣兩旁
又各三四里止存中間古塘十餘里萬一水勢衝激不
已不惟鹽官一縣不可復存而向北地勢卑下所慮鹹
流入蕪秀湖三州等處則田畝不可種植大為利害詳

欽定四庫全書

宋史
卷九十七

三

今日之患大槩有二一曰陸地淪毀二曰鹹潮泛溢陸
地淪毀者固無力可施鹹潮泛溢者乃因捍海古塘衝
損遇大潮必盤越流注北向宜築土塘以捍鹹潮所築
塘基趾南北各有兩處在縣東近南則為六十里鹹塘
近北則為袁花塘在縣西近南亦曰鹹塘近北則為淡
塘亦嘗驗兩處土色虛實則袁花塘淡塘差勝鹹塘且
各近裏未至與海潮為敵勢當東就袁花塘西就淡塘
修築則可以禦縣東鹹潮盤溢之患其縣西一帶淡塘

連縣治左右共五十餘里合先修築兼縣南去海一里
餘幸而古塘尚存縣治民居盡在其中未可棄之度外
今將見管椿石就古塘稍加工築壘一里許為防護縣
治之計其縣東民戶日築六十里鹹塘萬一入為海潮
衝損當計用椿木脩築袁花塘以捍之上以為然

欽定四庫全書

宋史
卷九十七

三

湖為田自是歲有水旱之患乞行廢罷盡復為湖如江
東西之圩田蕪秀之園田皆當講究興復詔逐路轉運
司相度聞奏乾道五年守臣張津言東錢湖容受七十
二溪方圓廣闊八百頃傍山為固疊石為塘八十里自
唐天寶三年縣令陸南金開廣之國朝天禧元年郡守
李夷庚重修之中有四牐七堰凡遇旱涸開牐放水溉
田五十萬畝比因豪民於湖塘淺岸漸次占包種植菱
荷障塞湖水紹興十八年雖曾檢舉約束盡罷請佃歲

久菱根蔓延滲塞水脉致妨蓄水兼塘岸間有低塌處若不淘濬脩築不惟浸失水利兼恐塘埂相繼摧毀乞候農隙趁時開鑿因得土修治埂岸實為兩便從之

鄧縣水嘉定十四年慶元府言鄧縣水自四明諸山溪澗會至他山置堰小涇下江入河所入上河之水專溉民田其利甚博比因淤塞堰上山觜少有溪水流入上河自春徂夏不雨令官吏發卒開淘沙觜及濬港汊又於堰上疊壘沙石逼使溪流盡入上河其他山水入府

欽定四庫全書

宋史
卷九十七

十四

城南門一帶有礮牖三所曰烏金曰積瀆曰行春烏金礮又名上水礮昔因倒損遂捺為壩以致淤沙在河或遇溪流聚湧時復衝倒所捺壩走泄水源行春橋又名南石礮礮面石板之下歲久損壞空虛每受潮水演溢奔突出於石縫以致鹹潮裹入上河其縣東管有道士堰至白鶴橋一帶河港埋塞又有朱賴堰與行春等礮相連堰下江流通徹大海今春關雨上河乾淺堰身塌損以致鹹潮透入上河使農民不敢車注溉田乞脩砌

上水烏金諸處壩堰仍選清彊能幹職官專一提督

潤州水紹興七年兩浙轉運使向子諲言鎮江府呂城夾岡形勢高仰因春夏不雨官漕艱勤尋遣官屬李澗詢究練湖本末始知此湖在唐永泰間已廢而復興今堤岸弛禁致有侵佃冒決故湖水不能蓄蓄舟楫不通公私告病若夏秋霖潦則丹陽金壇延陵一帶良田亦被淹沒臣已令丹陽知縣朱穆等增置二斗門一石碇及修補隄防盡復舊蹟庶為永久之利乾道七年以臣

欽定四庫全書

宋史
卷九十七

十五

僚言丹陽練湖幅員四十里納長山諸水漕渠資之故古語云湖水寸渠水尺在唐之禁甚嚴盜決者罪比殺人本朝寢緩其禁以惠民然修築嚴甚春夏多雨之際諸蓄盈滿雖秋無雨漕渠或淺但泄湖水一寸則為河一尺矣兵燹以後多廢不治堤岸圯闕不能貯水彊家因而專利耕以為田遂致淤澱歲月既久其害滋廣望責長吏濬治埋塞立為盜決侵耕之法著於令庶幾練湖漸復其舊民田獲灌溉之利漕渠無淺涸之患詔兩

湖漕臣沈度專一措置修築慶元五年兩湖轉運漕西提舉言以鎮江府守臣重修呂城兩牐畢再造一新牐以固隄防庶為便利從之

湖西運河自臨安府北郭務至鎮江江口牐六百四十一里淳熙七年帝因輔臣奏金使往來事曰運河有淺狹處可令守臣以漸開濬庶不擾民至十一年冬臣僚言運河之濬自北關至秀州杉青各有牐堰自可儲水惟沿河上塘有小堰數處積久低陷無以防遏水勢當

欽定四庫全書

宋史
卷九十七

志

以時加修治兼沿河下岸涇港極多其水入長水塘海鹽塘華亭塘由六里堰下私港散漫悉入江湖以私港深運河淺也若修固運河下岸一帶涇港自無走泄又自秀州杉青至平江府盤門在太湖之際與湖水相連而平江閘門至常州有楓橋澚墅烏角溪新安溪將軍堰亦各通太湖如遇西風湖水由港而入皆不必濬惟無錫五瀉牐損壞累年常是開堰徹底放舟更江陰軍河港勢低水易走泄若從舊修築不獨瀦水可以通舟

而無錫晉陵間所有陽湖亦當瀦水而四傍田畝皆無旱暵之患獨自常州至丹陽縣地勢高仰雖有犇牛呂城二牐別無湖港瀦水自丹陽至鎮江地形尤高雖有練湖緣湖水日淺不能濟遠雨晴未幾便覺乾涸運河淺狹莫此為甚所當先濬上以為然至嘉定間臣僚又言國家駐蹕錢塘綱運糧餉仰給諸道所繫不輕水運之程自大江而下至鎮江則入牐經行運河如履平地川廣巨艦直抵都城蓋甚便也比年以來鎮江牐口河道淤塞不復通舟乞令漕臣同淮東總領及本府守臣公共措置開濬

欽定四庫全書

宋史
卷九十七

志

越州水鑑湖之廣周迴三百五十八里環山三十六源自洪永和五年會稽太守馬臻始築塘溉田九千餘頃至宋初八百年間民受其利歲月寢遠濬治不時日久堙廢瀕湖之民侵耕為田熙寧中盜為田九百餘頃嘗遣廬州觀察推官江衍經度其宜凡為湖田者兩存之立碑石為界內者為田外者為湖政和末為郡守者務

為進奉之計遂廢湖為田賦輸京師自時姦民私占為田益眾湖之存者亡幾矣紹興二十九年十月帝諭樞密院事王綸曰往年宰執嘗欲盡乾鑑湖云可得十萬斛米朕謂若遇歲旱無湖水引灌則所損未必不過之凡事須遠慮可也隆興元年紹興府守臣吳芾言鑑湖自江行所立碑石之外今為民田者又一百六十五頃湖盡堙廢今欲發四百九十萬工於農隙接續開鑿又移壯城百人以備撩濬濬治差強幹使臣一人以巡轄

欽定四庫全書

宋史
卷九十七

六

鑑湖隄岸為名二年芾又言修鑑湖全藉斗門堰牐蓄水都泗堰牐尤為要害凡遇綱運及監司使命舟船經過堰兵避免車拽必欲開牐通放以致啓閉無時失泄湖水且都泗堰因高麗使往來宣和間方置牐今乞廢罷其後芾為刑部侍郎復奏自開鑑湖溉廢田二百七十頃復湖之舊又修治斗門堰牐十三所夏秋以來時雨雖多亦無泛溢之患民田九千餘頃悉獲倍收其為利較然可見乞將江行原立禁牌別定界至則隄岸自

然牢固永無盜決之虞紹興初高宗次越以上虞縣梁湖堰東運河淺澀今發六千五百餘工委本縣令佐監督濬治既而都省言餘姚縣境內運河淺澀牐牆壞阻滯綱運遂命漕臣發一萬七千餘卒自都泗堰至曹娥塔橋開撩河身夾塘詔漕司給錢米蕭山縣西興鎮通江兩牐近為江沙壅塞舟楫不通乾道三年守臣言募人自西興至大江疏沙河二十里并濬牐裏運河十三里通便綱運民旅皆利復恐湖水不定復有填淤且

欽定四庫全書

宋史
卷九十七

九

通江六堰綱運至多宜差注指揮一人專以開撩西興沙河繫銜及發捍江兵士五十名專充開撩沙浦不得雜役仍從本府起立營屋居之
常州水陸興二年常州守臣劉唐稽言申利二港上自運河發流經營回復至下流析為二道一自利港一自申港以達於江緣江口每日潮汐帶沙填塞上流游泥淤積流洩不通而申港又以江陰軍釘立標揭拘攔稅船每潮來則沙泥為木標所壅淤塞益甚今若相度開

欽定四庫全書

卷九十七

三

此二河但下流申利二港並隸江陰軍若議定深闊丈尺各於本界開洶庶協力皆辦又孟瀆一港在犇牛鎮西唐孟簡所開並宜興縣界沿湖舊百瀆皆通宜興之水籍以疏洩近歲阻於吳江石塘流行不快而沿湖河港所謂百瀆存者無幾今若開通委為公私之便至乾道二年以漕臣姜誵等請造蔡涇牐及開申港上流橫石次濬利港以洩水勢六年三月又命兩浙運副劉敏士潮西提舉芮輝於新涇塘置牐堰以捍海潮楊家港東開河置牐通行鹽船仍差牐官一人兵級十五人以時啓閉挑撩五月又以兩浙轉運司并常州守臣言填築五瀉上下兩牐及修築牐裏隄岸仍於郭瀆港口舜郎廟側水聚會處築捺硬壩以防走泄運水委無錫知縣主掌鑰匠遇水深六尺方許開牐通放客舟淳熙五年以漕臣陳峴言於十月募工開濬無錫縣以西橫林小井及犇牛呂城一帶地高水淺之處以通漕舟九年知常州章冲奏常州東北曰深港利港黃田港夏港五

欽定四庫全書

卷九十七

三

斗港其西曰竈子港孟瀆泰伯瀆烈塘江陰之東曰趙港曰沙港石頭港陳港蔡港私港令節港皆古人開導以為溉田無窮之利者也今所在堙塞不能灌溉臣當講求其說抑欲不勞民不費財而漕渠旱不乾水不溢用力省而見功速可以為悠久之利者在州之西南曰白鶴溪自金壇縣洮湖而下今淺狹特七十餘里若用工濬治則漕渠一帶無乾涸之患其南曰西蠡河自宜興太湖而下止開濬二十餘里若更令深遠則太湖水來漕渠一百七十餘里可免濬治之擾至若望亭堰牐置於唐之至德而徹於本朝之嘉祐至元祐七年復置未幾又毀之臣謂設此堰牐有三利焉陽羨諸瀆之水犇趨而下有以節之則當濬歲平江三邑必無下流淫溢之患一也自常州至望亭一百三十五里運河一有所節則沿河之田旱歲資以灌溉二也每歲冬春之交重網及使命往來多苦淺涸今啓閉以時足通舟楫後免車畝灌注之勞三也詔令相度開濬嘉泰元年守臣

李珣言州境北邊楊子大江南並太湖東連震澤西據
滬湖而漕渠界乎其間漕渠兩旁曰白鶴溪西蠡河南
戚氏北戚氏直湖諸港通于二湖曰利浦孟瀆烈塘橫
河五瀉諸港通於大江而中間又各自為支溝斷汊曲

繞參錯不以數計水利之源多於他郡而常苦易旱之
患何哉臣嘗詢訪其故漕渠東起望亭西上呂城一百
八十餘里形勢西高東下加以歲久淺淤自河岸至底
其深不滿四五尺常年春雨連綿江湖泛漲之時河流

欽定四庫全書

宋史
卷九十七

三

忽盈驟減連歲雨澤愆闕江湖退縮渠形尤亢間雖得
雨水無所受旋即走泄南入於湖北歸大江東徑注於
吳江晴未旬日又復乾涸此其易旱一也至若兩旁諸
港如白鶴溪西蠡河直湖烈塘五池堰日為沙土淤漲
遇潮高水泛之時尚可通行舟楫若值小汐久晴則俱
不能通應自餘支溝別港皆已堙塞故雖有江湖之浸
不見其利此其易旱二也况漕渠一帶綱運於是經由
使客於此往返每遇水澀綱運便阻一入冬月津送使

客作堰車水科役百姓不堪其擾豈特溉田缺事而已
望委轉運提舉常平官同本州相視漕渠并徹江湖之
處如法濬治盡還昔人遺跡及於望亭修建上下二牐
固護水源從之

昇州水乾道五年建康守臣張孝祥言秦淮之水流入
府城別為兩派正河自鎮淮新橋直注大江其為青溪
自天津橋出柵砦門亦入於江緣柵砦門地近為有力
者所得遂築斷青溪水口瓶為花園每水流暴至則泛

欽定四庫全書

宋史
卷九十七

三

溢浸蕩城內居民尤被其害若訪古而求使青溪直達
大江則建康永無水患矣既而汪澈奏於西園依異時
河道開濬使水通柵門入從之先是孝祥又言秦淮水
三源一自華山由句容一自廬山由漂水一自漂水由
赤山湖至府城東南合而為一縈迴綿亘三百餘里溪
港溝澮之水盡歸焉流上水門由府城入大江舊上下
水門展闊自兵燹後砌壘稍狹雖便於一時防守實遏
水源流通不快兼兩岸居民填築河岸添造屋宇若禁

民不許侵占秦淮既復故道則水不泛溢矣又府東門號陳二渡有順聖河正分秦淮之水每遇春夏天雨連綿上源奔湧則分一派之水自南門外直入於江故秦淮無泛溢之患今一半淤塞為田水流不通若不惜數畝之田疏導之以復古跡則其利尤倍其後江澈言水潦之害大抵緣建康地勢稍低秦淮既泛又大江湍漲其勢湓溢非由水門窄狹居民侵築所致且上水門砌壘處正不可閘閘則春水入城益多自今指定上下水

欽定四庫全書

宋史
卷九十七

五

門砌壘處不動夾河居民之屋亦不毀除止去兩岸積壤使河流通快况城中係行宮東南王方不宜開鑿從之嘉定五年守臣黃度言府境比據大江是為天險上自采石下達瓜步千有餘里共置六渡一曰烈山渡籍於常平司歲有河渡錢額五曰南浦渡龍濟渡東陽渡大城堰渡岡沙渡籍於府司亦有河渡錢額六渡歲為錢萬餘緡歷時最久舟楫廢壞官吏篙工初無廩給民始病濟而官漫不省遂至姦豪冒法別置私渡左右旁

午由是官渡濟者絕少乃聽吏卒苛取以充課徒手者猶憚往來而車擔牛馬幾不敢行甚者扼之中流以邀索錢物竊以為南北津渡務在利涉不容簡忽而但求征課臣已為之繕治舟艦選募篙稍使遠處巡檢兼監渡官於諸渡月解錢則例量江面闊狹計物貨重輕斟酌裁減率三之一或四之一自人車牛馬皆有定數離勝約束不得過收邀阻乞寬哀一歲之入除烈山渡常平錢如額解送其餘諸渡以二分充修船之費而以其餘給官吏篙稍水手食錢今監渡官逐月照數支散有餘則解送府司然後盡絕私渡不使姦民踰禁從之秀州水秀州境內有四湖一曰柘湖二曰澱山湖三曰當湖四曰陳湖東南則柘湖自金山浦小官浦入於海西南則澱山湖自蘆厓浦入於海西北則陳湖自大姚港朱里浦入於吳松江其南則當湖自月河南浦口澱浦口亦達於海支港相貫乾道二年守臣孫大雅奏請於諸港浦分作牕或斗門及漲涇堰兩瓶築月河置一

欽定四庫全書

宋史
卷九十七

五